

沔陽州志卷十一

沔陽童承敘

儒學

舊沔陽府學在城西南元季燬于兵遂遷東北元史至正壬辰

乙未倪文俊先後陷沔陽丁酉陳友諒復起至甲辰始

平中更兵燹凡十三年其燬與遷莫考其時郡幕戴用

瑞蓮記易炳文家沔陽孔廟後丁未瑞蓮開今蓮池在

遷所又部使者吳彤跋洪武元年秋七月行部沔陽謁

孔子廟詣講席所坐堂茅茨國初洪武二年己詔建學

三間則改元之前已遷矣

五年壬子四月明年癸丑二月始相繼創廟學故志五年創

戟門東西二齋六年創明倫九年丙辰定為州學明年丁巳

堂射圃膳堂庫廚創者名缺

知州金德復增飾之設學于時牧守剪菑翳修草壤土

堦茅茨數楹備師生具文書而已公至使缺者完狹而

卑者廣堦土者崇阜茅茨者瓦甍壁樸者黝漆煩囂者

沔陽州志卷十一

宣德正統景泰天順閒知州李震鄒

烜鍾順鄭立相繼修學正張順記自生民以來未有盛

北洪武壬子夏四月改創大成殿及戟門廊廡祀逾

遠廟將頽圯天順改元湖泉僉憲西蜀王宣胡灝案臨

勸掌魚澤官出白金百餘兩命知州鍾順重起鍾去未

落成順初來適同知潞州王達督工興作知州姚江鄭

立繼來與達偕會完飾楹畫稅堵門窗以禦風雨覆華

蓋以障塵埃堅榑榑斗拱皆刻丹堊絢煥自孔子四配

十子皆木龕圖之兩廡戟門如其飾臺基廉級卑者崇

之塌者葺之至於堂齋號房庖湔廚庫皆新之立與達

知所本而重孔子者也勒之成化九年癸巳知州呂文復

石且為後之知所本者勸焉

修禮部尚書華容黎淳記吾道在天下無古今之異惟

之以復事既有人而遂廢得其人而復興爾故物不終剝繼

來學尤事之至大者乎誠得其人必至於復而加益矣

此吾道所以有待於人也沔陽建州在大江之北平地

千里中衍廣原環水作城外瀟巨浸舊學僻居州治西

南國初洪武初徙至東北據其勝也然而地不踰四五

畝屋不滿三十楹上漏旁穿黃流草長神罔降靈歷若

千年茲幸邢家觀文成化比數年來知州延津呂侯文  
同知霑化孫侯景安州判餘姚邵侯性數君繼至咸務  
興學協謀戮力乃開拓疆土加學舍掄選美材整葺殿  
堂燻星開門孔曼且碩副辜備器既完且堅泮水舊惟  
土塔今則琢石砌為高梁兩廡舊皆木主今皆搏土塑  
成體貌邵侯又以聖像暨四配十哲顏容剝落捐材選  
匠塗繪金碧彰施五色各為木龕奉之吾道生輝益以  
亨通賢才得所遂皆盛顯真為復還而加益矣癸巳二  
月邵侯告于黎淳曰是當有記垂示後來淳聞古之生  
者兩膝著地因反其蹠而坐于其上漢文翁興學蜀郡  
有石刻聖賢坐者皆伸兩足蓋後人為之也古之祀神  
祭五祀亦惟以人為尸耳今聖賢祭祀各有像設亦後  
人為之也雖然聖靈在上享于克誠學求道貴乎主  
敬人能以誠敬為務而躬行心得焉則聖人如親見矣  
豈必專求諸形像哉斯舉也師得以案其位弟子得以  
安其業厥功甚偉而吾提督學校按察副使蒲田嚴公  
又於諸君子有教條焉默識經書勸講學也崇尚廉恥  
勸修德也諸君子克遵其教條加誠敬之功則凡冠冕  
鄉闈壁奎天榜皆所必得進而立功名顯道德尚何難  
哉幸相其後知州孫衍彭萬里皆修至正德十年戊甲知

河陽州志卷十一

二

州徐成以其倣隘迺撤而新之規模宏敞視昔倍矣祭  
魯鐸記惟正德甲戌河大夫徐子正大新河廟學越二  
年績用成三年學政興士人懋達取上第楚由是益名  
有材初大夫以壬申秋蒞河及期月政平民服乃遂銳  
意於教嘗臨學顧瞻興嘆曰教人學孔子此其瞻依居  
養之地可令如是乎哉夫域中惟道為至大道傳於孔  
子古今惟孔子為至大是道也自天地至昆蟲草木所  
以各得自成一為是賴之是故為政者似之猶理假之猶  
興況純用之者乎戾之而禍敗叛之而死亡棄之而覆  
絕么麼不能離呼吸不得間者也我國家舉帝王之政  
其修身養士取人純用是道河為江漢間大州聖化所  
先而廟與學庫淺隘且日以倣其與夫道略不為稱如  
養士興道何既而謀之府庾無儲也或曰待諸大夫日  
事常廢於待即待之有潛為輸運者乎遂捐俸為金若  
干登役書曰我姑覆簣之效也四境感激義生富民相  
與語於野大賈相與語於市曰吾屬小人各得其所大  
夫政理之由也大夫為道謀至俸不為食吾屬守稟實  
皆有今日耶今大夫為道謀至俸不為食吾屬守稟實  
藏賄相視如秦越可令日飲江漢水以長我乎於是皆  
化所居競相舉助後至則訾嫚以為恥旬日白金輸公  
篋以千數計凡木石墨丹髹聖備募皆取足焉舊貫不

仍新址崇作乃命工師傑圖式以示敦事者期極於宏壯工徒胥勤效職事事故成功不爽其素廟自大成殿以下為楹凡四十有五尺堂高不及殿二丈而兩廡重門齋號官署門庖各稱焉其戟門為楹六如殿數重等威也景賢祠齋宿所附於兩廡便從事也既乃據坊為三表著其東曰儲俊西曰啟文又西近通衢者特曰學宮別里巷也是役也公不紀費民不知勞其材堅碩其治必精工蓋非為計於目前者費棟榭然遙見城表觀諸外若仰山行其下若觀水師生交賀作氣增志駭駭而向道君子日居肆成事之喻夫豈誣哉故居是邦樂有賢大夫也大夫既郎駕部學訓導徐璉從諸生王閻邵凱凡數輩走東崗請序於予予病未能即應歲必一二至蓋五六年於茲矣而請益勤人之思大夫不能忘可知也予媿焉勉為記之時嘉靖改元壬午五月也大夫名咸海鹽人在正德辛未進士中殿以文名其政一發於誠未嘗務皎皎之譽州自稱治興學十二年子知州實其所先謂為謀道其民亦知言矣哉

李濂嘉靖五年丙戌按察副使劉士元十年辛卯知州曾儲俱修

沔陽州志卷十一

文廟中為大成殿兩翼為東西廡判官楫曉各繕牆前

為戟門門之前為泮池為橋知州濂又前為靈星門嘉

靖辛卯更日先師廟門曰廟門迺易封號撤像而題

以木主制也

神廚在東廡旁神庫在東廡旁宰牲房知州立建在東廡地今俱廢

啟聖公祠在敬一亭旁

敬一亭在明倫堂後中立御製敬一碑又東西二亭立御註五箴碑以上祠亭俱知州儲奉詔建

名宦祠鄉賢祠舊名景賢祠在兩廡下知州徐咸記沔陽為湖藩大郡名宦鄉賢代有其人漢

以前誌籍無考自唐宋至我國朝所宜奉祀者總未立祠誠一缺典也正德七年壬申咸承乏守沔顧學宮傾圮撤舊鼎新固已謹常祀矣因仰先哲諸公名不可泯遂於大成殿旁東廡之後構祠三間以為崇本之所如狄公仁傑之惠愛以至王公琪之循良唐公介之善政公清如万俟公湜均役如白公景亮守城死節者施公

子仁俞公述祖也廉勤撫字者王公孟鍾公順也此則名宦之表表者又如陸公羽之清修高潔陳公嘉言之罵賊自殞虞公信之吏畏民懷此則鄉賢之表表者雖世代不同祿位不等出處不一而其賢名政蹟皆足以垂範將來夫有功德善行於茲土者當食茲土之報此固祀典之不容已而亦有司之所當留意者也故特表而與生於河者知所景慕而因以興起焉耳然名宦書本州職銜者取其一時仕于此也於鄉賢書士書他省職銜者以其生在於此也又各稱名不諱者欲人之易知也間猶有爵秩之進功業之隆不止在於河者昭布簡冊茲不復贅云嘉靖丙戌副使士元以其不當在庶上遂改東西廡下而分祀焉然在戟門之內亦嫌於從祀矣別構之可也後改設於明倫堂西分爲二祠

學署廟後爲明倫堂堂東爲興詩齋舊曰率性西爲立禮齋

舊曰爲成樂齋舊曰立教俱嘉靖堂後爲茂林門鑿建

士元病其後卑窪命培土爲爲齋宿所知州儲建東西

尊經閣基成而遷任未果爲齋宿所各一舊在西廡

河陽州志卷十一

石鼓苔班碧殿陰城闕漏殘西爲學正宅舊在東知州

鑿修公署記學堂左右有耳房堂後爲寢室凡三間寢室

如也中爲房西則因己卯之回祿尙缺嘉靖癸未冬予來

此前守海陵儲公爲予修之未幾予奉臺檄走岳之襄

矣是冬十月予至自鄂適郡守天台陳公下車見之戚

然命義官李相董工重修焉先是闔郡之水由衙後出

淫雨則臺基沒而牆易壞茲乃疏溝于外退而築堤視

地高二尺許上實土爲牆延袤計四十餘丈歲盡而土

功畢復於寢西建屋二間峙廚房爲東西舍堂西建屋

三間爲讀書所前後凡十二楹丙戌春方將落之適有

當道之命再爲鄂渚之遊逮夏五歸因以碧芹香雨四

大字扁於堂堂東半畝則編竹爲籬以種蔬就中鑿井

及泉泠然名曰灌蔬泉西卽新所建者時文宗少華公

得古桐於鄴製六琴其一曰德音錫予載歸予嘗兀坐

其中致琴膝上鼓之因以琴名名亭亭之左藏書曰書

房右貯文卷日卷房書房之左有小門通後隙地歲久

荒穢雜以瓦礫隱以蛇虺不可以處是日課小豎悉芟

平之窪則淪而爲池池中有臺環臺插以楊柳傍陰可

風馮高可眺方石可奔臨水可釣遂命之爲四可臺東

西橫獨木為橋下平園環百餘步雜蒔花木客至開門  
延入長嘯散步四時芬芳不絕乃題其額曰收春洞夫  
一區之宅仗二公而后修經三載而后成殆非偶然者  
近世士夫視公宇為傳舍去之日僅存四壁方諸魯叔  
孫之館何如也因援筆預以自戒嗚乎予既知所訓導  
戒後之人因予而增其不逮是又後人遺後人也訓導  
宅三一在興詩齋後一在立禮齋後廢今一在西廡後州知

備東廡後為徑坊曰義路禮門學正鑿  
東為書

舍凡三前為儀門又前為學門門外兩坊東曰儲俊西

日啟文俱廢西之南通衢中有坊曰學宮俱知州

饌堂知州立建倉咸建在芹香亭知州衍建在

射圃射亭俱知州萬里建舊在

五清書屋在訓導宅胡經扁今未知孰是知州順詩柳

柳將雲氣沾琴几竹引煙光上畫屏日捲簾衣袂綠

河陽州志卷十一

芹泮槐陰誰種雙槐近講堂縣陰低覆讀書房綠雲遶

榻青氈溼紅日當階翠蓋涼枝接柳營煙霧重根蟠芹

沼歲時長房中獨坐人如玉笑指花黃舉子忙湖波漾

碧花遶湖隄竹遠園湖光寒湛讀書軒碧天倒映渾無

迹活水長流自有源仙鷺聚來翔鳳沼神魚養就躍龍

門軒中獨坐人如玉擬沐洪波浩蕩恩庭草交翠芳草

春色來自佳捲簾青人讀書齋風前披拂臨池水雨後

葱蘢覆石階翠帶遶欄長綰結綠陰鋪地巧安排齋中

獨坐人如玉生竹屋在舊學正宅林士元扁今廢郡人

意津津滿素懷同知邵福詩君子之居君子居

中清景盡難如月光透戶白生室草色侵簾綠映書俗

眼幾何能識此考亭一脈正開渠衰年向學君憐我願

傍春風德音亭在學正宅王鑿扁嘉靖丙戌提

坐月餘在學正宅王鑿扁嘉靖丙戌提琴鶴居

在訓導宅瑞蓮池在堂後即易炳文故居吳元年產瑞

德癸酉復產學正鑿學志吳元年瑞蓮乃  
建學之兆至是再見非明年鼎建之祥乎  
景陵學在城西南隅一統志宋建元至治三年癸亥縣尹  
李名修明年泰定改元甲達魯花赤阿里名續修孫康  
缺續修記景

陵古復州也芹宮固闢鼻之垣墉榭桷黝壁丹牖傲蠹殆盡至治三載令尹李侯主簿靳將仕郎改絃易轍大有經庭大聖殿甌壁榭楠表裏一致廊廡戟門罅漏畢補先聖先哲與夫從祀繪塑咸新工鳩秩序迨夫泰定改元達魯花赤阿里承事下車之始首以興學校為務創建靈星列而為三左右宮牆百堵皆作又欲整泮池復舊貫立加號碑創頽宮亭工起而未畢繼而令尹承務郎主簿將仕郎率是邑協而成之是以為今之勝觀也尹簿順帝至元四年寅沔陽郡守安伯寧監縣忽都名俱缺

不花教諭傅珪重建蜀郡景坤厚記我皇元文教經宇學況景陵為內地其可使學宮彫剝蕪滅不稱聖人之居乎舊制弗葺縣文學荆門傅珪始至則惕然日有如夫子廟學不治罰其可辭而歲廩單惡弗克究于時沔陽郡守汲郡安侯朝列行部勸課蒐剔隱伏得豪右規占乾沒學田者八九人皆股栗喪魄被露首服視舊租入增為石者一千四百有奇繼以監縣忽都新之有嚴教諭傅珪則鳩工度材晨夜展力悉究而一新之有嚴其門有覺其堂齋廡翼翼庖廩殖殖學宮有次師生有簪先是禮器朽蠹迺範銅而鑄之為器一百五十餘件計肇工於至元三年十一月至元四年戊寅秋七月十

沔陽州志卷十一 六

有九日壬元年兵燹洪武三年庚因故址建名正統十

年寅知縣顧行教諭翁善復建景陵故有學元燬于

兵燹聖朝更化首詔羣縣興學于時有司因其舊址創為廟學之制而庫陋弗稱識者病焉歷數十年迄未有能改作之者正統初知縣安福楊季安縣丞懷遠姚壽主簿東昌喬著相與謀議各捐俸貲為倡而欲輒新之未幾季安以秩滿壽以巡省舍願瞻徘徊慨然以為己陰顧行至祇謁廟廷巡省舍願瞻徘徊慨然以為己任而著復力贊其成行乃屬其邑之耆老張從道李通輩告以興廢舉墜之意莫不相勵而趨為之肇工於八年秋至十年冬而後訖工廟有大成殿東西兩廡學自明倫堂時習日新兩齋咸倍于舊觀以至大成靈星之門神庫宰牲之所與夫會饌庖廩之舍亦皆具完而規模宏深靚奧上足以妥先師之神下足以居來學之士巋然壯觀百里蓋郢沔間諸州縣所未有也今年夏行考績于京師以其成功來告而請記惟古帝王之治天下必設庠序學校申以孝弟導以仁義所以扶植三綱五常之道漢唐以來率而行之則治違而廢之則否明效大駭不可誣也國家自祖宗之世修明學校之政皇帝登大寶以來學校益修幸大學以尊五常教化之源

設憲臣以領郡邑學校之事增科額以廣求賢取士之方由是古先帝王聲教之所暨者皆建學立師幅員萬里贊舍相望何其盛也況景陵地近號為名邑而涵濡列聖之化之久者哉宜乎長邑者急所先務而察采耆老協心共成其美如此繼今學於斯者仰承朝廷德意與邑大夫父老用心之勤益加琢磨淬厲將見賢才輩出而風俗淳美實自茲始

成化十六年庚子知縣姜縮撤而新焉

翰林侍讀寧都董越記景陵南楚屬邑舊有學二十年來絃誦之聲雖聞而廟學之制不能不日就頽圯且所當有容未備焉成化庚子弋陽姜侯來為是邑始至虔謁先聖退即講堂聽諸生講畢顧瞻慨嘆以為廢不以修制不以備於令皆莫辭責顧民信未孚欲速不可爰次第事又明年政化日益旁洽且歲屬大和公私廩庾有餘積操畊分有之力易為乃差穀詢謀鳩工慮費一撤其舊而維新之其施功則先講堂次齋館次門廡而師生次舍庖廩燕息垣墉塗暨悉具獨大成殿以工力斲重最後為其位置則殿居中堂居後門前重二廡兩齋翼殿堂左右凡止基嚮皆仍舊而確密堅緻則過之惟是神道自北而南抵靈星門舊隔水春秋牲幣之入必沿池左右乃通牲殺鑄條且無定所事神

河陽州志卷十一

七

之道既缺觀德之說益不聞繕於典禮有未合侯首命陶壁為橋以通繼以相度得戟門之左為神廚闢靈星迤南為射圃今廟學規制煥乎具瞻春秋俎豆夙成不遺月吉弓矢此於禮樂其嗣有肇無成正罔缺如此侯誠知所先務而善為政者矣顧教學條約仍就苟簡欲一置不問得乎於是復相與講求加以振作景陵之學制教令遂兩踰厥初蓋自經始至訖工為歲已三費才與力不知云幾而民無一告勞者以役使有待經畫有法而一不于厲于衰故也既而學之師生成樂其成特走書幣徵子為記惟夫王道不行于天下後世久矣所幸教養之道尚存而有志于學道愛人者猶得賴以持行使民復見先王維持世道之大而簿書期會鞭笞敲仆乃盡易絃誦之聲視學舍有無漫不加意或議謀有及輒譏曰勞民傷財至教不立而化不行猶不能反本而知其於先王所謂建國君民先國家稽古設學君子化民成俗之意果盡合否耶間有合而不盡然又多不適用於施設緩急事未集而怨謗隨之斯二者皆未為有得視侯斯舉吾又不知其何如也抑所謂其必由學乃能致歟不然學校作興亦令常職何昔無而今乃有耶侯名縮字玉卿成化戊戌進士博洽多識廉正有為學道愛人具見為政若設義學復義河各有碑平市價便倉

庚皆有記又其優于仕所為者景陵絃誦弘治十二年  
之聲今方大振而侯之邇可遠其在茲云  
未<sub>禮部</sub>知縣周端增修之<sub>有學在邑治西南偏自宋元時已</sub>  
然我朝仍之歲久欲頽正統丙寅知縣顧行暨教諭翁  
善修之成化甲辰知縣姜縮又新之歲二紀有年棟宇  
又徹瓦壁盡燬高郵周君端以鄉進士來領縣事撤舊  
而更治之大成殿櫺星門齋堂饌舍俱以次成諸生號  
房計七十有八閒兩廡計十有四閒戟門又三閒皆拓  
地以廣之像設祭器飾造重新僅葺而有成成之歲弘  
治庚申<sub>九月也</sub>正德十三年<sub>寅</sub>知縣李東修嘉靖改元<sub>壬午</sub>復修  
七年<sub>戊子</sub>州判官任佃十年<sub>辛卯</sub>州同知歐賢署縣京山丞  
金文默俱修

文廟中為大成殿<sub>知縣東重建</sub>東西為廡前為戟門<sub>俱知縣端建</sub>

前為泮池為橋又前為靈星門<sub>判官佃重建</sub>

嘉靖十年<sub>辛卯</sub>更定如制

河陽州志卷十一

神廚 神庫 宰牲房<sub>舊俱在戟門東今廢</sub>

啟聖公祠<sub>在文廟東</sub>

敬一亭<sub>在明倫堂後同知賢奉詔建</sub>

名宦祠<sub>在戟門東祀國朝楊季安張繼宗姜縮周端左輔陳良玉翁善</sub>

鄉賢祠<sub>在戟門西祀唐陸羽宋張迪張徽陳嘉言國朝胡俊黃鍾李慶呂中廖訓王翰何玘郭軒楊清</sub>

魯鐸案二祠舊在縣東西知縣縮鄉賢記古之所謂鄉  
先生者以其可為法於鄉人鄉人法之既設而猶祀之  
示不忘也景陵為南楚名邑代不乏人如張徽累割郡  
符公清超邁張迪為諫議大夫有爭臣風烈李慶官至  
兩浙鹽運使清白至死無以治喪事是皆古人所謂鄉  
先生者鄉人乃不知祀之而使之淪沒無聞况望其能  
法之乎為鄉人之主而不能舉之宜亦無辭其責縮下  
車以來閒閱縣志而知之乃率鄉人度地於縣治之南  
為祠而祀之庶幾諸先生千載如生繼自今鄉人拜瞻  
祠宇寧不有感于心日彼亦景陵人予何為而不如之  
思而法之駸駸不已而不使專美于前  
則是祠之立亦未必無補于風教也



學署廟後為明倫堂知縣縮堂東為率性齋西為存誠

齋俱知縣廟東為庫堂後為教諭宅東為訓導宅凡其

前為徑門日育賢又前為學門育賢並學門舊在廟西縣丞文默改

饌堂在堂東書舍在西廡後凡五

射圃 射亭在學西知縣縮建提學副使薛綱記景陵

成化壬寅秋九月縣尹姜君縮銳志復古乃經營措置

建亭三間於其上高敞壯麗命材必以杉楠斲地必以

巨石視其志豈狗目前淺近計哉將貽數百年之遠圖

也一日縮率諸生來求予記縮之言曰射圃有亭矣每

公暇得與諸生演習其間目熟神怡恍若身遊乎孔氏

之門而親與七十子相揖讓環橋門而觀聽者亦皆咨

嗟咏嘆以為千載奇遇也射畢而退儀音影響悠乎人

之耳目而和敬之心逐物萌芽官由是而讓畔讓路焉禮

由是法古以入官農夫野叟亦由是而讓畔讓路焉禮

之有益於人俗如此迹不能與之悠久也一或亭傾圮

根乎天而斯亭斯圍斯虛文俱無矣況實禮乎此縮所以倦倦焉

廢灌莽邱墟虛文俱無矣況實禮乎此縮所以倦倦焉

願有紀述以勒諸堅珉以垂諸永遠庶幾乎古人存羊  
識禮之意也嗚乎予之文豈足以存禮哉予嘗讀儀禮  
禮記而知其說古者卿大夫士之射也必先行鄉飲酒  
之禮所以明長幼教和敬觀所謂拜至拜先拜既則敬  
之志也請安請坐旅爵則和之至也和敬之教行長幼  
之序明身易以修家易以齊而國而天下易以治平也  
故孔子曰吾觀于鄉而知王道之易易者然者此也惜乎後  
世去古寔遠俗尚苟簡習者憚煩觀者笑迂先王之制  
自是不可復矣予奉璽書督學湖湘痛古制之不復予  
責也下車首圖是舉聞西江康齋吳先生講明是禮以  
教郡縣諸生予遣兩生從九江學之以歸即命有司築  
亭圍置射器俾諸生朔望肄習之不二年間亭圍已有  
鞠為蔬園者其肄習可知已矣是豈古禮不宜於今哉特  
以憚煩笑迂者眾用心如姜君縮者少耳使得如縮者  
數十輩分布湖南郡縣亭圍必不蔬圃也飲射必不虛  
文也何患古禮不可復哉夫謂之復古非徒持弓執爵  
復其儀文之末而已亦惟復其禮樂之原求如縮之意  
謂和敬之心逐物萌芽斯至矣斯無負先王之制禮之意  
矣此又諸生之責也予蒞政精敏為湖湘諸邑稱首而作  
射圃亭特其一事云正德間縣丞杜倫  
填墨池之半為之建亭並水閣今並廢

學倉 在學東南城下 青錢亭 在洗墨池中教 洗墨池 在

知縣綰建今廢 論宅西舊為道觀所設

社學州四 在城二在廢縣八十七 村十七 雲潭村十六下白湖

城村十二 方藥村十二南黃村九附城

義學州一 正德十三年知州濂割預備倉 縣一 在義河

縣縮立縮記景陵鄉學未立縮乃度城南地為學以教

而來學與無學何異耶故賦官地之屢若干以輪於學

師則月支米一石歲給銀十兩使教有專心弟子則貧

富俱許來學而貧生給以楮墨使學有定志所以教而

說以開其端責之踐履以究其實月考而歲視之閒有

俊秀者則升於庠以進乎修已治人之道而收其成功

自今以始為常規也然則斯學之立雖不能髣髴於古

使若富若貧咸得以學亦庶幾乎義焉耳因扁曰義學

南湖書院 故志在州學宋建以奉武成王及狄梁公張

太中今莫考其地然宋復州治景陵則州學

亦當在其處也

夢野臺書院 在縣東門內祭酒鐸讀已有園

鳧州草堂 芳草亭 大椿洞 俱在書院內祭酒鐸

史敘曰夫士民之望也學郡之望也敦學教士先其望

也故民從之而郡日以治河陽景陵之學往皆顯盛中

更衰弛自諸君子相繼倡之士至今益趨於盛郡邑稱

治焉導化之不可已也如是

贊曰穆穆黌序藹藹絃歌髦雋優游道德觀摩化興江

漢教重菁莪禮樂弘敷郡國是毗